



## Reglamaint da sauaziun

<b><u>I. DISPOSIZIUNS GENERALAS</u></b>	
<p>Art. 1 Il cumün da Zernez relascha quattras ün reglamaint da sauaziun chi pertuocho la rait dal provedimaint d'aua dal cumün da Zernez.</p>	Cumün
<p>Art. 2 In prüma lingia sto esser garantida la furniziun sufficiainta d'aua pel provedimaint d'aua cumünal e per la prontezza per stüder fös, avant sco ch'ün po sauar il fuond.</p>	Priorità
<p>Art. 3 La suprastanza decida davart las zonas, davart ils idrants e davart il diameter dal buochin e davart la quantità da las squittas datas libras per la sauaziun. Implü decida la suprastanza cumünala sur da la quantità da personas chi pon sauar al listess mumaint e sur da la dūrada da las unitats da sauaziun.</p>	Zonas, idrants, squittas e limitas
<p>Art. 4 Quist reglamaint vaglia per possessurs, fittadins ed usufructuaris da fuond utilisà per l'agricultura.</p>	Validità
<p>Art. 5 Id es scumondà da far adöver da la sauaziun sainza acconsentimaint dal cumün.</p>	Permiss
<p>Art. 6 Part integrala da quist reglamaint fuorma il plan da zonas da sauaziun. Sün quel plan sun definadas las zonas da sauaziun e'ls idrants dats liber per retrar l'aua per la sauaziun.</p>	Plan da zonas
<p>Art. 7 La suprastanza cumünala po decider sur da excepziuns a regard l'artichel 3 da quist reglamaint.</p>	Excepziuns
<p>Art. 8 Il schef da бүгls es incumbenzà da la suprastanza cumünala da survagliar e controllar l'andamaint da la sauaziun. El ha la cumpetenzza da decider davart tuot las dumondas a regard la gestiun da la sauaziun.</p>	Cumpetenzza
<p>Art. 9 Il cumün nu metta a disposiziun, fin sün las clavs dals idrants, ingün oter material per sauar.</p>	Material da sauar
<b><u>II. ORGANISAZIUN</u></b>	
<p>Art. 10 I das-cha gnir sauà be dūrant il temp dals 1. mai fin als 30 settember.</p>	Stagiun da sauar
<p>Art. 11 La controlla sur da la sauaziun suottastà a schef da бүгls. Quel po delegiar las incumbenzas als impiegats cumünals.</p>	Controlla
<p>Art. 12 Il pulizist cumünal administrescha las clavs dals idrants in incumbenza dal schef da бүгls. El da oura e piglia d'archeu in consegna las clavs. Minchün sto reservar las unitats per sauar ouravant. Reservaziuns sun d'annunzchar pro'l pulizist cumünal almain ün di avant, dūrant ils dis da lavur tanter las 08:00-12:00 e las 13:00-17:30. Pro incaps inaspettats es d'infuormar immediatamaing al pulizist cumünal o al schef da бүгls.</p>	Coordinaziun sauaziun



<p>Art. 13 Il diameter dal buochin da la squitta per sauar nu das-cha surpassar ils 16 millimeters.</p>	Diameter squittas
<p>Art. 14 Al listess di nu das-cha far adöver daplü sco duos personas da la sauaziun. Minchün das-cha sauar maximalmaing cun üna squitta al listess mumaint. Mincha singul das-cha sauar seis fuond il plü da tuot duos dis in davorouda. Nun es reservada la sauaziun pel(s) di(s) sequaint(s), schi po' darcheu far adöver da la sauaziun tenor quist artichel.</p>	Limitas maximalas
<p>Art. 15 Id es scumondà da traversar cun lingias da sauaziun e da bognar vias chantunalas e vias cumünalas in cumün. Implü es scumondà da bognar chasas e plazzas. Per traversar vias o plazzas privatas sto minchün esser in possess d'ün permiss dal possessur da la parcella privata.</p>	Vias e plazzas
<p>Art. 16 In cas specials sco incendis, s-charsdà d'aua e.u.i han las instanzas la cumpetenzza da laschar serrar giò immediatamaing la sauaziun.</p>	Cas d'emergenza
<p>Art. 17 Per dons chaschunats vi d'indrizz cumünals e privats in sequit a la sauaziun es respunsabel il chaschunader dal don.</p>	Dons
<p>Art. 18 La taxa da sauaziun vegn inchaschada in fuorma d'unitats d'ün di (24 uras) o d'ün mez di (12 uras). L'unità d'ün di cumainza a las 08:00 e terminescha al di sequaint a las 08:00. L'unità d'ün mez di cumainza a las 08:00 fin las 20:00 obain da las 20:00 fin las 08:00 dal di sequaint. I nu da ingüna partiziun d'unitats. La taxa d'unità vala per üna squitta.</p>	Taxa da sauaziun
<p>Art. 19 La taxa da sauaziun vain inchaschada tras l'administraziun cumünala üna vouta l'on. La facturaziun as basa sülla controlla cha'l pulizist cumünal maina.</p>	Quint da taxas
<p><b><u>III. TAXAS</u></b></p>	
<p>Art. 20 Las taxas da sauaziun s'amuntan sün :  70.00 francs incl. ipv per l'unità d'ün di (24 uras) ed üna squitta 35.00 francs incl. ipv per l'unità d'ün mez di (12 uras) ed üna squitta</p>	Taxas
<p><b><u>IV. DISPOSIZIUN FINALAS</u></b></p>	
<p>Art. 21 Quist reglamaint aintra in vigur als 1. mai 2006 e düra fin als 30 settember 2006 sco on da prouva. Davò quist on da prouva vaglia quist reglamaint fin ch'el vegn revais, substitui o aboli tras la suprastanza cumünala.</p>	Entrada in vigur
<p>Uschè decis in suprastanza cumünala als 1. mai 2006 (protocol no. 429).</p>	
<p>Il president:  <i>Peeter Toller</i></p>	<p>L'actuar:  <i>W. R. ...</i></p>